

先擺泰政府着數 林景楠轉頭鬧人「極權」



專食人血饅頭嘅「黃店」阿布泰國生活百貨老闆林景楠，早前高調自己宣傳同泰國政府簽署商務合作，又喺facebook上載自己嘅泰國政府官員面前雙手合十嘅相片。不過，前日佢就喺facebook上載多張泰國政府示威照片，仲話自己「愛泰國人……不是愛一個地方或一個極權」，討到唔少反政府上腦嘅「黃絲」歡心。又要鬧人「極權」，又要同人做生意，唔知咁算唔算係「食碗面反碗底」呢？

「黃人」不勝都身體好誠實。攞炒派中人，早前喺立法會選舉報名表上

自稱「抗爭商人」嘅林景楠，上月喺facebook稱自己已與泰國政府簽署所謂「諒解備忘錄」，話同泰國政府取得商務合作關係，仲上載自己透過全像攝影，同埋泰國政府官員面前雙手合十嘅相片，等人覺得佢同泰國政府關係良好，以建立自己嘅商業形象。

近期，泰國反政府示威爆發，而香港班攞炒派不斷聲援助戰，就連泰國示威現場都見到「港獨」旗幟。靠食「人血饅頭」上位嘅林景楠前日就喺facebook上載多張泰國示威者同防暴警察嘅照片，仲話：「有人問我，愛泰國，還是愛香港？我會告訴您，我愛泰國人和香港人，而不是愛一個地方或一個極權。」

個極權。」

討好反政府上腦「黃絲」歡心

林景楠討好唔少反政府上腦嘅「黃絲」歡心。「Connicy Chan」就話：「祝福 泰國戰勝暴政！」「Anna Chan」則稱：「泰國人，不要放棄！」想攞商務着數時，就對人哋「始熱狗頭」、「雙手合十」，想借「黃」搵食時，就忽然話人「極權」。所謂「抗爭商人」本色，就係利字當頭。不過，林景楠今次做得零舍肉酸，難免令人覺得佢嘅「食碗面反碗底」，唔知佢佢鬧「極權」嘅泰國政府點睇呢？



有人問我，愛泰國，還是愛香港？我會告訴您，我愛泰國人和香港人，而不是愛一個地方或一個極權。

#像極都不會像愛情

▲林景楠稱：「我愛泰國人和香港人，而不是愛一個地方或一個極權。」 林景楠fb截圖

▲林景楠上月與泰國政府談商務合作時雙手合十。 林景楠fb截圖



唔少「黃店」為爭上位狗咬狗骨，仲成日互揭惡行。由「龍粉」開嘅facebook「黃谷」「渣家軍人西炒車事件簿」日前又發帖，指控「黃店」光榮冰室早前有份搞嘅多個支援黑暴嘅籌賬目不清，爛完尾又左手交右手云云。網民「Yan Wong」咁講：「當時肛（光）榮老細……話求其攞幾張被補（捕）紙當幫吃人，冇人會夠膽追究基金去向，但係竟然真係比（界）佢過到骨。」不過，光榮方面到昨日都未有正面回應有關指控。

香港文匯報記者 黃書蘭

「Siu Man Chan」日前喺「渣家軍人西炒車事件簿」發帖，話早前包括光榮等27間「黃店」為「如水救援」嘅「支援離港同學行動」籌到約28萬元，幾個「黃店」老闆走咗去台灣，「但入境上限只係帶咗10萬（元）過去，剩低嘅18萬幾（元）交咗俾（界）光榮，話會匯（款）俾（界）教會，但有冇做呢，邊個知？」佢仲話，呢27間黃店都喺店內擺籌款箱，聲稱係為「手足」籌款，「27間舖（舖），一間都一萬啦！28萬（元）幾應該有計到捐款箱啲錢！」

網民：「人血救援」變「人血VISION」

龍粉質疑光榮冰室黑暴眾籌呢錢

「黃谷」稱左手交右手 網民促交代捐款去向

「Siu Man Chan」又重提光榮冰室有份搞嘅眾籌黑歷史：「『國難救援』俾『國難五金』×完改名『如水救援』，『如水救援』爛尾又整咗個『THE VISION』，又話唔得開攞（搞）『如水救援』，但又得開攞（搞）『THE VISION』，左手交右手，交嚟交去都係自己雙手，『人血救援』變『人血VISION』！」

「Anna Siu」就留言燒埋有份搞嘅「黃店」水門泰式雞飯：「元朗谷都（到）爆過（嘔）單野（嘔）出黎（嘔）啦，水門係（嘔）呢單如水救援到（度）有（又）出錢銀問題，（打算將捐款落格）最後咪光榮出手幫佢草草收尾，務求件事唔好揚出去，最後筆錢到底咩情況都無人知。」

有唔少網民都猛叫光榮冰室交代捐款。「Man Leung」就發帖話：「光榮冰室直到依（啱）家仲未交代『如水救援』資金去向！」「Anita Red」都話：「請光環（榮）冰室交代捐款。」

不過，「如水救援」早於今年3月已喺facebook宣布「停運」，而私人地方嘅眾籌香港又有王管，人哋真係係你班「手足」都傻！俗語話齊，財到光棍手，一去冇回頭囉！



▲光榮方面到昨日都未有正面回應有關指控。圖為光榮冰室尖沙咀店。 資料圖片



▲網民指光榮冰室仲未交代「如水救援」資金去向。圖為「如水救援」貼士箱。 fb影片截圖

▲「渣家軍人西炒車事件簿」指控光榮冰室早前有份搞嘅多個支援黑暴眾籌賬目不清。 fb截圖

傳龍門拖9月糧 賴「手足」遲交工卡



「黃店」成日話要通過請「手足」來「支援」他們的生活，但其實咪又係佢哋係condom！專門狙擊「龍門冰室」嘅群組近日發帖，指控龍門老闆「饅頭張」（張俊傑）拖兩個預告會執笠嘅「手足」9月嘅份糧。「饅頭張」就賴係政府遲遲未發放「保就業」津貼所以至咁樣。見俾人嘅網上鬧，當初被「饅頭張」話有份參與開店嘅幾個「黃人」見狀即推話完全唔關自己事，有人仲要話係「手足」遲交工卡先導致咁嘅結果。

專狙擊「龍門」嘅facebook群組「倫敦人西先生手記」日前有人發帖，指控「饅頭張」拖欠旗下員工9月份嘅工資，包括炮台山嘅Lennon Cafe全店嘅月頭都未收到人工，已預告會執笠嘅龍門更加因為員工被拖糧，所以成班廚房日前拉隊走人而要提早執笠。

賴「保就業」未發放周轉唔嚟

據網上流傳話係龍門界有關員工嘅通告：「由於保就業第二期遲遲未發放，政府100%擔保銀行貸款又未到戶，龍門現時周轉唔嚟，要多一兩日先俾（界）到票大家，非常抱歉」嗰。其後，有員工話終於收到錢嚟，但就唔係現金支票，所以要拖多幾日先轉到數。被指拖糧嘅呢間Lennon Cafe，係


「饅頭張」之前公開話由攞炒派「才女」、經營網購食品O'chef lab嘅梁芷珊，同「黃店」Sogno Gelato老闆「雪糕華」鍾耀華幫佢「協助管理」嘅。今次發生拖糧事件，佢兩個人有咩講法？有人去梁芷珊嘅fb留言挑機，但梁芷珊就聲稱自己係Lennon Cafe開舖「既無投資，亦不是股東」，話自己只係「食物供應商」，只「管理食物，交貨」，所以拖糧一事同自己無關。

曾被「饅頭張」爆料會從開舖每月揮盈利25%入袋嘅「雪糕華」，見狀都要「戴頭盔」。網傳一個疑似「雪糕華」4分鐘錄音，佢話係因為班「手足」冇交返工卡，先計唔到數，而交咗「饅頭張」佢哋計數都要時間。

至於嗰25%營利都要錢，錄音中就顯示佢話已經「全部界咗」班「手足」，自己只係「借名」、「未收過錢」，所以估唔到拖糧都要燒到佢。嗰音頻裏，佢仲粗口疊粗口，唔知問候緊邊位搞到佢咁嘅嘅人。

網民「Sun Leu」就寸爆「雪糕華」：「執笠咗先至嚟話本身認住啲利潤係分比（界）年青（輕）人嘅？……雪糕華開口埋口話自己一毫子都有收過，梗係啦，由試業到蝕本收皮只有短短一個月，有利潤的話佢邊度有錢收呀？」

「Belinda Nixon」話：「咩（乜）姐（啫）依（啱）家，掛個名出黎（嚟）有錢賺就笑騎騎，有事果（啲）陣又唔想上身，『饅頭張』搵得你唔係覺得有



▲疑似「雪糕華」話「手足」冇交工卡，網民指言論老屈。 fb截圖

網民狠批一丘之貉

「Ricky Ho」就覺『財（才）女』就（做）食物管理人，『雪糕華』就（做）名稱（聲）管理人，真係好×好笑嗰。」「Jojo Liu」就狠批佢哋係「一丘之貉」，「Der HL」直情話係「黃色騙局」嗰。 ■香港文匯報記者 文根茂

「黃店」慘被隔離「黃店」人龍阻門口



隨着禁堂食措施放寬，市面唔少食肆生意大增，但好多「黃店」生意就一落千丈，執得就執。facebook「黃圈」專頁「黃金戰隊」日前就發帖講「黃店」嘅「Sad but true（悲慘但真實）」，話原來好多一入去都係空蕩蕩嘅「黃店」，都有個共通點，就係「門口總係係隔離（籬）『黃店』既（嘅）人龍阻住！」……隔住馬路見到人龍，

為可能無得食，點知一入去係空蕩蕩，因為人龍係隔離（籬）舖的。」

唔少「黃絲」就鬧班「同路人」，只係識幫襯個別「黃店」。「YC Chui」就話：「不能同意更多，果（啲）啲睇住要等一個鐘都唔轉場既（嘅），自己檢討下（吓）！」有「黃絲」則解釋，係因為隔離店更「黃」。「Haula Pak」咁話：「終於有人講，有時食×記，行入去時總要擠人龍，嗰人望住你好似怪責你唔排隊，去食『藍店』（啦）咁。」 ■香港文匯報記者 黃書蘭

「連登豬」燈籠侵權？「樂文」「紙漫糖」互鬧



談「同路人」傷感情？咁都係談錢好啲。今次嘅「黃圈」內訌係一個關於中秋節「連登豬」燈籠嘅利益紛爭。「黃店」「樂文文具公司」被指攞「紙漫糖」「原創」嘅「連登豬」燈籠摺紙板賣貨卻唔寫出處，而「樂文」就出相自證已經「得到授權」。雙方嘅支持者都各不退讓，互鬧食「人血饅頭」。講真，入得「黃圈」，大家都係咁上下，相煎何太急呢？

「樂文」喺中秋節當日喺facebook叫咁快手買佢哋嘅嘅有牛油紙或膠片版「連登豬」燈籠摺紙板，但就引發版權爭議問題。唔少「黃絲」話佢冇落原創「紙漫糖」嘅credit。「樂文」就出帖文陰陽怪氣話：「鳴謝：同路人紙漫糖，原來畫公仔，係要畫埋條腸，真係有心！」

「紙漫糖」就發帖反擊，話「印店印好晒再出post賣就唔得」，又稱「紙模係公開比（界）大家，但係需要註明出處是常識吧？」叫問文具公司「尊重創作」，但又堅稱「歡迎大家自己印/拎去印店印」。

「樂文文具公司」都幾有門志，翌日再發帖解釋稱，話是次風波因為街坊群組反映9月26日後無法再從「同路人」網店訂購，而邀請佢代為列印相關勞作材料，後來予街坊方便之舉在網絡廣傳，因此區內多個屋苑街坊會均組織住戶參與由本店提供的集體代印「連登豬」服務。

佢哋仲強調，佢哋「只是幫區內街坊代印，並無大量印制（製）從而向全港促銷販賣圖利」，話自己已收收項38蚊亦乃附帶物料本身價錢，仲標籤「原創多人係惡嘞」、「冇利益就會衝突」。至於曾經所講嘅「畫公仔畫出腸」等字眼，佢哋就聲稱係「有人挑釁」，該文字只係針對個人。

「樂文」暗指「紙漫糖」更貴

不過，行動往往最誠實。佢哋之後又專登編輯帖文，列明「紙漫糖」販賣呢個產品嘅價



▲「樂文」上載自己同「紙漫糖」聊天對話，內容顯示「樂文」曾詢問「紙漫糖」。 fb截圖

錢。對比顯示，如果用紙「連登豬」，「紙漫糖」每張紙10蚊，3張作一個「連登豬」，加埋配件10蚊一份，則需要40蚊一隻，而「樂文」紙「連登豬」就係38蚊一個，估計都係想以此想證明自己有加價，都暗指「紙漫糖」更加貴嘅。

佢哋又同時截圖公開「紙漫糖」支持者質問佢哋，拎「紙漫糖」設計賣有無徵求其同意嘅留言，仲上載咗自己同「紙漫糖」嘅聊天對話，內容顯示「樂文」曾詢問「紙漫糖」：「你有無幫人影關，有問黃既（嘅）印刷可幫手，但想得到你准許。」

「紙漫糖」喺9月28日就有回覆話：「我自己打印機印的，可以。」不過，佢哋之間溝通內容都幾含糊，個爭拗都難以平息。

挺「樂文」網企圖「攞炒」

支持「樂文」嘅網民「Stephanie Chan」就企圖「攞炒」話，「萬一將來連登被國安公署視為『抗爭』公仔，到時馬上落番（返）晒credit比（界）紙漫糖，多謝佢分享紙版比（界）大家，皆大歡喜。」「Ofi La」都五十步笑百步話：「班×街紙漫糖去連登開po搞門黃，紙漫糖其實都係一個商家，只係無實體店……原來唔甘心文具店代印收得平過佢！……明眼人都睇得出你係做生意！……本來唔覺得紙漫糖係咁嘅人，而（啱）家俾我睇清楚，佢先係真正食血饅。」

「Kana Haru」話：「其實都幾肉酸，一路路人地（哋）二創嘅嘢玩，又一路鬧人無版權。」「Hak Ying Chan」直情講：「到底係要錢定credit，請清楚咪唔洗（使）估估下囉。」

「紙粉」「Euro Kama」就稱：「借人嘢落credit係常識同最基本尊重，人人都應該要有。我就唔信得間借走人地（哋）個模，唔得間落個credit。講『手足』之前，係咪應該比（界）翻（返）啲尊重？」 ■香港文匯報記者 文根茂